

# STJÓRNARTÍÐINDI B 30 – 2000

7. mars 2000

385

Nr. 146

## REGLUGERÐ

**um tegundir sem undanþegnar eru viðskiptum á Kvótaþingi.**

1. gr.

Heimilt er að flytja aflamark í Norðuríshafsþorski, hörpudiski, innfjarðarækju og loðnu milli skipa án undangenginna viðskipta á Kvótaþingi.

2. gr.

Reglugerð þessi er sett samkvæmt tillögu stjórnar Kvótaþings með stoð í 3. tl. 1. gr. laga nr. 11/1998 um Kvótaþing til að öðlast þegar gildi. Frá sama tíma er felld úr gildi reglugerð nr. 604, 14. september 1999, um tegundir sem undanþegnar eru viðskiptum á Kvótaþingi.

*Sjávarútvegsráðuneytinu, 7. mars 2000.*

**Árni M. Mathiesen.**

*Jón B. Jónasson.*

29. febrúar 2000

Nr. 147

## REGLUR

**um breytingu á reglum um björgunar- og öryggisbúnað íslenskra skipa nr. 189/1994 með síðari breytingum.**

1. gr.

Ákvæði gr. 7.1., 7.1.1. og 7.1.2. orðast svo:

**Losunar- og sjósetningarbúnaður gúmmíbjörgunarbáta.**

7.1. *Flutningaskip og farþegaskip.*

7.1.1. Flutningaskip og þau skip, sem falla undir ákvæði alþjóðasamþykktar um öryggi mannlífa á hafinu frá árinu 1974, með síðari breytingum (SOLAS), skulu vera búin losunarbúnaði á gúmmíbjörgunarbátum í samræmi við reglu III/38.6 í SOLAS (sjá II. viðauka).

7.1.2. Farþegaskip, önnur en þau sem falla undir gr. 7.1.1., skulu vera með losunarbúnað þar sem unnt er að losa gúmmíbjörgunarbátana frá skipinu með einu handtaki á staðnum. Ennfremur skulu gúmmíbjörgunarbátarnir vera tengdir losunarbúnaði sem

losar þá frá skipinu fyrir áhrif sjávar og fjarstýrðum búnaði sem einnig losar bátana frá skipinu með einu handtaki frá stjórnþalli eða öðrum hentugum stað. Tryggja skal virkni búnaðarins gagnvart sjósetningu gúmmíbjörgunarbáts þó skipið hafi allt að 10° stafnhalla á hvorn veginn og allt að 20° slagsíðu til hvorrar hliðar.

2. gr.

Reglur þessar, sem settar eru skv. lögum nr. 35, 30. apríl 1993 um eftirlit með skipum, staðfestast hér með til að öðlast þegar gildi.

*Samgönguráðuneytinu, 29. febrúar 2000.*

**Sturla Böðvarsson.**

*Ragnhildur Hjaltadóttir.*

Nr. 148

1. mars 2000

## REGLUGERÐ

### um happdrætti Dvalarheimilis aldraðra sjómanna.

#### I. KAFLI

#### Yfirstjórn.

1. gr.

Dvalarheimili aldraðra sjómanna í Reykjavík og Hafnarfirði, skammstafað D.A.S., er heimilt að reka flokkahappdrætti um bifreiðir, bifhjól, báta, búnaðarvélar, íbúðarhús og einstakar íbúðir, húsbúnað, hljóðfæri, búpening, flugvélar og farmiða til ferðalaga, svo og símahappdrætti um bifreiðir og húsbúnað, samkvæmt nánari ákvörðun í II. og III. kafla reglugerðarinnar.

2. gr.

Stjórn fulltrúaráðs sjómanna í Reykjavík og Hafnarfirði fer með yfirstjórn happdrættisins og hefur á hendi reikningshald þess eða felur það framkvæmdastjóra. Hún skal færa ákvarðanir, er happdrættið varða, í gerðabók sína. Stjórn fulltrúaráðs sjómanna-dagsins ræður forstjóra happdrættisins.

3. gr.

Reikningsár happdrættisins er frá 1. maí til 30. apríl. Dómsmálaráðuneytið skipar tvo endurskoðendur reikninganna. Þóknun til þeirra greiðist af fé happdrættisins.

4. gr.

Dómsmálaráðherra skipar þriggja manna happdrættisráð til þriggja ára í senn og tvo til vara og ákveður formann þess. Dómsmálaráðuneytið ákveður þóknun happdrættisráðsmanna, er greiðist af fé happdrættisins. Happdrættisráð skal hafa aðgang að bókum og skjölum happdrættisins, og skal því veitt sú vitneskja um starfsemina sem það óskar. Það skal tafarlaust tilkynna dómsmálaráðuneytinu ef það telur ákvæði laga um happdrættið eða reglugerðar þessarar brotin. Happdrættisráð hefur eftirlit með og úrskurðarvald um drætti, svo sem síðar segir.